

5
A S C A N I I

S. R. E. C A R D.

C O L V M N A E


E P I S C O P I P R A E N E S T I N I

S E N T E N T I A

C O N T R A R E I P V B. V E N E T Æ E P I S C O P O S.

S S. D D. N. P A V L I P P. V.

Interdicto non obtemperantes.



R O M A E, M D C V I.

S V P E R I O R V M P E R M I S S V.

ASCAH

2 R E C A H I E

C O L V M N A

EPISCOPAL PR. ERECTING

W I N D W A T E R

C O N T A I N I N G A L L T H E

22 O C T O B E R 18 7 7

W I N D W A T E R



2 O M A E , W I N D W A T E R

22 O C T O B E R 18 7 7

3
ASCANII CARDINALIS
COLVMNAE

Contra Reipublicæ Venetæ Episcopos
Sententia.

NESSIT mihi Sanctitas Vestra, quid contra Reip. Venetæ Episcopos ecclesiastico interdicto non obtemperantes agendum esset, excogitare; & quæ mihi hac in re subesset sententia, Sanctitati Vestræ aperirem. Quoniam vero ab alijs, qui hanc Reip. Venetæ causam pertractarunt, multa sunt & pice, & fusè dicta; ijs consultò omisissis iniuncti mihi oneris partes erunt, & precipuè Cardinalem Episcopum Prænestinum nunc declaratum, præclarè me egisse putabo; quæ tantum ad Episcopos spectant, quam maxima possum industria, & Christiana veritate declarare. Eo libentiùs quòd viuendi leges ex Sanctorum decretis, ex Patrum regulis depromptas mihi cõtra me præscribere, viliùs futurum sit; quam quæ cæteri singula materie huius capita, vel similia persequentes optimè scripserunt, longiori hic disputatione iterata referre.

Bonorum omnium largitor Deus pro sua in nos clementia efficiet, ut de metu, vita, & morte dicturus, ea dicendo persequar; quibus proposita nobis euangelica viuendi præcepta vita, & moribus exprimentes, & rectè Episcopali nostro fungentes munere, præmia immortalitatis amplissima consequamur. Neque enim aliud quicuis sexus, ordo, gens, natio, etas omni tempore gloriosum putauit, quàm fama eternitati studere; in eaq; assequenda omnia discrimina, & vitæ ipsius pericula subeundo, fortiter elaborare. Omnes quidem gloriæ studio trahimur, & ad illam propensio nostris visceribus penitus impressa radicitus inheret, q̃ nec atate

Simonid.
apud Plut.
in lib. An
senex de-
beat Reip.
præesse.
Cic. pro
Arch.

Ardua ad
camvia.

deficit, nec temporis, ut ait ille, progressionem senescit. Immortalis scilicet hic animus ad immortalia fertur; & quadam in illo virtus infidet, quæ noctes, diesq; ad gloriâ quibusdam quasi stimulis excitatur, moneturq; non cum vita tempore esse dimittendam commemorationem nominis, sed cum omni posteritate adequandam. Eijcienda è forti pectore mollires, excutienda socordia, procul omnis repellendus metus. In magnis rebus magna est quæ plures ab earum quasi possessione arcet constituta difficultas; & quo quidquæ præstantius, eò laboriosius, ac difficilius. Quo loco posita gloria est, cum maximis difficultatibus natura munivit, ut ad illum aditum pauci, nec nisi fortissimi consequantur. Præclare Claudianus:

Non quisquam fruitur veris odoribus,
Hyblæos latebris nec spoliât fauos,
Si fronti caueat, si timeat rubos.

Armat spina rosas, mella tegunt apes.

Claudius Marcellus animi magnitudine celebris, edes Virtuti, & Honori erecturus inuicem coniunxit; nullo ut interposito spatio diuise subsisterent. Nouerat vir fortissimus alteram, ab altera sciungi nunquam posse, nec nisi una virtutis via ad veram, solidamq; honoris gloriam perueniri; nec quemquæ virtute præditum reperiri, cui non aliquando debitum honoris præmium solueretur. Enimvero magnis laboribus, ut aliquid compareretur, non facile quisquam à seipso impetrat: amat enim hominis natura moderatam quietem, eaq; alitur, & crescit, contumeliones, quibus frangitur, ac minuitur, recusat. Fortis animi est, rebus difficillimis studere; nec metu, nec labore, nec morte ab eius adeptione deterreri. Pavidos & conscientia vecordes intrat metus, cuius ut Claudianus cecinit:

Diffoluunt animi magno se angore, metuquæ.

Vir animi robore, ac virtute præstans, si ita res feret, morti obuius fiet: quam sibi nec turpem, nec miseram accidere possit nouit. Nam ut est valdè difficile rectè mori, qui malè vixerit; sic fieri non potest, ut eius mors sit turpis & misera, cuius vitæ
pulebra

Tac.

pulchra fueris, & beata. Hinc prisca comædia auctor.

Qui per virtutem peritat, non pol interit.

Hinc illud insigne Maronis elogium,

Pulchram properant per vulnera mortem.

At eloquentia Romana Princeps, labores, inquit, pericula, dolores, constantissimus quisque suscipiat potius, quam ullam officij sui partem deserat; nec ullo casu homini forti continget, ut huius vlla vel intermisso fiat. An verò præclarissima illa superioris memoria lumina Scipiones, Pompeij, Cæsares, Alexandri tantam essent nominis famam consequuti; si labores, rerum, difficultates, incommoda, si pericula, si mortem extimuisent? Nihil illi prorsus nisi obitum, nihil nisi nominis famam cogitabant, nihil nisi immortalitatem meditabantur. Age silaum interrogatum quonam pacto tãtam sibi gloriæ magnitudinem perperisset, respondisse ferunt, contemnendo mortē. Fortem enim virum decet habere in procinctu mortem, quæ propter incertos casus quotidie imminet, & propter vitæ breuitatem nunquam longè potest abesse. Te appello puerilis ætatis splendor ethnice puer non tãam virtutis, quã illustre religionis exemplar: qui dùm Alexandro sacrificanti de more cum turibulo astares, carbone in brachium delapso sic vrereris, ut adusti corporis odore, turis suauitas, nõ animus vinceretur, nec ullus abs te lacrymis expressus dolor, nec inde discessum, donec sacro finis imponeretur. Obuersantur omnium animis Curtius, Mutius, Codrus, Leonides, Decius, morti se ultro obijcientes, ut eorum nomen immortalitati consecratum nulla dies extingueret, nulla obsuraret obliuio. Vita enim hæc, quæ corpore continetur, præ laude, & gloria illis contemptui habita; ea ardentius exquisita, quæ viget memòria sæculorum omnium, quam posteritas alit, quã ipsa æternitas semper intuetur. Testes sunt omnes Licurgæ disciplinæ alumni, fortunæ & constantiæ virida simulachra; quibus ad aram Dianæ sæpè spiritum potius, quàm suspirium emittere,

virtus

Suasit & hortatrix animosi gloria læti.

Quod

Plautus.

1. de fin.

Mortis timor ethnico exemplum damnatus.

Cic. Tuscul. quæst. 1. 1.

Val. max. lib. 3. c. 3.

Cic. pro Marc.

Plut. in Lycur.

Stat.

Mors chri-
stianorum
exēplo cō-
temnēda .

Quod si erroris & infidelitatis tenebris obducti homines, quibus nondū enituerat lux diuina oborta veritatis; hoc modo fuerunt animati, ut nominis immortalitatem consecuturi, mortem nihili facerent: nos Christi optimi maximi milites ipsius morte mortis crepti, vite immortalis restituti, quibus diuina natura splendor affulsit; quo tandem animo esse debemus? Religionis nostra fundamenta præclara in vna mortalitate constituit Deus, ut per illam immortalitate potiamur. Nec deeras immensa illius potentia modus, & ratio, qua hominum genus humanam indutus naturam non moriturus redimeret. Sed cum mortalitate; ardua quidem, sed gloriosa via, ad immortalitatem statueret incedendum; morte nobis vitam peperit, & per eam in æternitatis possessione collocauit. Infantium sanguine imbecillis eadē hæc nostra fulta mortalitas, eorumq; mors præclarum Christianæ religionis exitit initium. Quid non pueri, quid non puella in tenera ætate fortiter pertulere? Furiosas Tyrannorum minas, blanditias, ungues ferreos, flammarum globos, liquefcentes plumbum, fluentem picem, & alia crudelissima genera pœnarum, delitias, ludum, atq; iocum esse arbitrabantur: & tanquā generosa aquile mori citius decreuere, quam sibi præda illa cælestis vite, quasi manibus comprehensa eriperetur. Adultus inuenum vigor, inermis quidem ferro, sed Christi fide, ac religione munitus, obiecit se Tyrannorum feritati; patuit carnificum furori; in medias flammæ penetravit Christianæ veritati, vite ipsius interitu, gloriosissimum testimonium præbiturus. Emicat in cæteris Stephanus, Laurentius, Sebastianus, Polycarpus, Clemens, Cyprianus. Effulget in Virginum choro Catherina, Agatha, Cecilia, Agnes, Margarita tantò maioribus efferenda laudibus, quāto illis vincere fuit, & sexus fragilitate, & pueritiæ imbecillitate difficilior. Voluptatum lenocinia superata, blanditiæ reiectæ, commoda, otium, quies contemptæ; non inediæ saturitas, non nuditati ornatus, non flagra tropheis, non fasces cruci, non carceri libertas, non grauiolentia suauitas præposita: paupertati pretiosa supellex, infirmitati salus, gloria iniuriæ, morti demum vita posthabita:

posthabita : ut ex angusto huius arumnoſa vita curriculo, in illa
 eternitatis immenſa ſpatia eduſti in ſempiternum ſumma dul-
 cedinis incunditate cōquieſcerent. In hoc certamine filij ſequuti
 parentes, coniuges uxores, diſcipuli magiſtros, ſerui dominos;
 nec certatum, quo pacto alter ab altero morti ſubduſtus vineret;
 ſed quis prior in flammas, in hoſtes irrumperet, gladio colla ſub-
 mitteret, carniſicum manibus obiectus morſem prior oppeteret.
 An quemquā fugit, frigida ſenſcentis ac deuexa etatis robo-
 ra, ſpiritus ſenio conſectos, mortalitatis via ad hanc gloriam in-
 credibili animi magnitudine, & iuuenili ardore contendiffe ?
 Quò crudeliſſima minabatur Tyrannus, tortor tormenta in ſere-
 bat, eo cuiuſquē animus exiſtebat ad perſerendum alacrior, ad
 pugnandum ardentior, ad vincendum glorioſior. Quid plura ?
 Omnis ſexu, omnis etas, natio omnis ab ipſo mundi naſcentis
 exordio vitam hanc non minus breui circumſcriptam ſpatio,
 quā arumnarum multitudine depreſſam, ſtrenuè laborando,
 mortem fortiter obeundo, bonis omnibus cumulari, ipſa demum
 immortalitate donari poſſe ſperant. Quibus vero artibus flu-
 debant Tyranni, ut Martyrum nomen obliuione contritum ater-
 na taciturnitate deliteſceret : ſi ſed ſumma proſidentia ab ad-
 mirabili rerum omnium moderatore Deo, rebus variè diſpoſitis
 præclariffimo ac ſempiterno ſua claritatis ſplendore è tenebris
 erutum, & omnium gentium prædicatione, & præcelſe gloriæ,
 ac famæ immortalitate donatur. Caſar auguſte Datianus Præ-
 feſtus in Chriſtianos barbara ſauiens immanitate, nè illorū ci-
 neres ſuperſtites piè à fidelibus colerētur, omnes acerbiffimè tru-
 cidatos, unà cum improborum hominum, quos ob crimina ingu-
 laret, corporibus, acervatim combuſſit. Sed ò ſumma Dei in ſuis
 effereendis virtus, & ſapientia ! Pluvia Cælo exoritur, quæ terrā
 interluens tetrīs facinoroſorū relictis, Martyrum cineres qui-
 buſdam particulis conglobatos, veluti frumenti candidam maſ-
 ſam in unum congeſſit. Atquē à Deo illorum nominibus immor-
 talitati cōſecratis, glorioſè effectum, ut dūm vivat æterna Mar-
 tyrum poſteris relictā gloria; æternum quoquē vivat immanis

Ut marty-
 rū gloria
 ita tyran-
 norum in-
 famia Dei
 diſpoſitio-
 ne immor-
 talis.

Tyranno-

Tyrannorum crudelitatis infamia. Tua sunt hæc, o Sol iustitiæ præclarissime munera benignitatis amplissima. Ut enim solis huius tantummodo partes sunt; quæ suæ cuique rei forma sit, quæ species, & color ostendere: Sed cum interiturus exoritur, res illum subsequuta, & apparent interdum, & delitescunt. Ita tu æternæ Deus, ut æternitatem consequamur, quid optimus quisque promereatur, quæ virtus sit & gloria, sempiterno tuo splendore distinguis: cum verò nunquam recessurus accedas; si quis tuo lumine illustratus effulgeat, illius gloria, nec obruetur tenebris, nec temporum progressionem decrescet. Et poterunt nostra tē-

Episcoporum
timē-
tium cor-
rectio.

pestate Venetorum Præsules clarissimarum harum gentium cū Rhodæ, huius fidei magistri, illius Ecclesiæ Episcopi, ne munere fungantur suo, difficultate aliqua infirmari, metu mortis affligi, extremo rerum discrimine deterri? Quorum præ ceteris omnibus mortalibus eniteat necesse est in periculis fortitudo, in bonorum iactura altitudo animi, in laboribus patientia, in supplicij omnibus & cruciatibus inuicta constantia. Armanda ne erunt Venetorum Præsulum pectora ferro? Episcopales ne ethnicorum ardoris exemplo excitandi spiritus? Laudabimus potius vestrorum militum manus, quàm venerabimur sacratas vestras Episcoporum dexteræ? efferendi ne vestri causa adeo timores, ut fortem virum aliquando ab infamia excusent? tanti ne unquam ab ullo vita faciendæ, ut gloriose morti præferatur? mortem adeo timebimus, cū malorum omnium finem sciamus, ut quod nature debitum, dedecori obnoxium reddatur? adeo ne obsecrum, quin omnibus pateat, mortem omnibus hominibus ex natura æqualem, infamia apud posteros, vel gloria distingui? Honestæ mors felici vitæ beator.

Hortatio
ad Episc.
munere sū
gatur suo.
Parab. c. 3.

Disciplinam Domini ne abiciant Episcopi. Probata virtus corripit insipientes, perversæ cogitationes separât à Deo. Non enim eis delitiæ, sed labor; non dignitas, sed opus optandum proponitur. Quod causa fuit, cur laudaretur olim, teste Anselmo, ut bonum opus, Episcopatum querere. Per illum enim quasi ad martyrium via munitur, neque dubium erat, sin minus ad mortem,

mortem, ad grauiora saltem tormenta veniri. Nam non modo diuinis legibus adhærere satis est, si Cyrillo in Isaiam credimus: nec à præstandi, ac perficiendi officio discedere, sed oportet factorum iudiciorum custodes apparere, & omni bonorum genere excellere. Immo, ut optimè Anselmus, Nihil prodest conscientia virtutum frui, nisi & creditum sibi populū possit instruere, & eos qui contradicunt arguere, quorū rabies baculo pastoris deterrenda est. In corrigendis vitijs piè sauiat, iudicium sine ira teneat, in fouendis virtutibus subditorum animos demulcens, in tranquillitate seueritatis censuram non deferens. Alioquin in id, quod canones minantur, incident, Si ca aiunt, quibus vehementer Deus offenditur, insequi Episcopi, & vlciſci differant, ad vlciſcendum utiq; prouocant patientiā diuinitatis. Non enim ex Bernardo, licet ei tacere, cui ex officio incumbit vitia redarguere. Et Innocentius, sicut impium iudico manum negare conuersis, ita durum arbitror, conuenientiam præbere peccantibus: & sicut malum est non recipere corrigentem, ita tolerare errantē. Quos grauis illa Pauli & metuenda feris sentētia. Si quis suorum & maximè domesticorum curam non habet, fidem negauit, & est infideli deterior.

Ad Eugenium.

An cōcil. mēu.

cap. 5. ad Thim.

Neque vero quemquam ita rerum diuinarum imperitum esse putem, qui nesciat Christianos omnes summi Pontificis præcepto non obsequentes, nec censuras ecclesiasticas seruantes; siuè id fiat in contemptum clauium, siuè ad excusandam hæresim, aut schismata, siuè in simplicem contemptum; grauisimè errare, & peccare mortaliter. Episcopos verò, cum id quoties, & ubi opus erit, se præstituros iuramenti religionē obstrinxerint, si deficiant, tanquā illius violatores, & lethalis peccati & sacrilegij reatuī esse obnoxios. Quamuis enim timor iacturæ bonorum temporalium censeatur interdum iustus cadens in cōstantem virum, ex^a Patormisano, ^b Syluestro asserentibus pecuniam esse vitam hominis; cuius iactura, vincula & verbera, quæ aliquando excusant, pennum quā minora censeantur. Vbi tamen lethale peccatum,

Quam grauius peccent Episcopi, non obediētis Sūm. Pōr.

in c. ego d iure iur.

a in c. Abbas de his quæ vi & met.

b verb. motus q. 3.

e quod l.
 11. ar. q. 4.
 fen. d. 18 d.
 2. ar. 4. q.
 1. ad 1.
 d q. 5. ad
 3. dub. 4.
 e ar. 6. q.
 2. ad 1.
 f 1. 2. q.
 96. ar. 4. in
 2. 2. q. 125.
 g lec. 3. de
 excom.
 b dif. 7. q.
 5. de leg.
 hum.
 i quod l. 3.
 ar. 2. ad 2.
 rationem.
 K 1. d iust.
 & iur. q. 6.
 ar. 4.
 I verbome
 tus nu. 6.
 m in 4. p.
 mem. 6. ar.
 2. & q. 23.
 mem. 1. ar.
 6. §. 2.
 n in c. fa-
 cris.
 o c. 27. ma
 nu.
 p 2. 2. q.
 185. ar. 5.
 Epil. 55.
 & 56.

ubi sacrilegium patrat, nullus timor, vel mortis & verberum, nedum iactura bonorum temporalium Christianum neminem, ab obedientia Pontifici prestanda, & censurarum liberat obseruantia. Peccans enim mortaliter nullius potest metus excusatione defendi; ex omnium doctorum sententia asserentium subeundam mortem, prius quam in Deum letaliter labi; nec excusare metum, qui praesertim impediatur, quo minus subditi id quod à superiore praecipitur, exequantur: Id sensit diuus Thomas, d Durandus, e Ricardus, f Caietanus, g Petrus Soto, h Gregorius de Valentia, i Adrianus, k Dominicus Soto, l Syluester, m Alexander Aletius, n Ostiensis, Panormitanus, lo Andreas, o clarissime omnium Nauarrus. A timore, inquit, excusatur, modo non participet in peccato mortali, neque cum negatione saltem tacita fidei Catholicae, quae resuleret ex communicatione in contemptum & vilipedium excommunicationis; quia oportet potius mori, quam sic communicare: cum magis teneatur defendere articulum fidei de auctoritate & potentia Ecclesiae ferendi excommunicationem, & illius valorem, quam vitam corporalem. Hinc diuus Thomas, ubi, inquit, subditorum salus exigit personae Pastoris praesentiam, non debet Pastor personaliter suum gregem deferere, neque propter aliquod commodum temporale, neque etiam propter aliquod personale periculum imminens; cum bonus Pastor animam suam ponere teneatur pro ouibus suis. Multo vero ante diuum Thomam Nicolaus PP. Nam si perniciosum est, proreтам in tranquillitate nauim deferere, quanto magis in fluctibus. Et elegantissime Cyprianus ad Cornelium, manere apud nos debet fidei robur immobile; Et stabilis atque inconcussa virtus contra omnes incurfus atque impetus oblatrantium fluctuum, velut petrae obiacentis fortitudine & mole debet obistere. Nec interest unde Episcopo, aut terror, aut periculum veniat, qui terroribus, ac periculis viuit obnoxius, & fit de ipsis gloriosior. imò quando persecutiones fiunt, tunc dantur coronae fidei, tunc probatur milites Dei, tunc martyribus parent caeli. Gregor. verò Nazian.

coram

coram tot Episcopis exclamat. Nonne persecutionem passi sumus? nonne contumelijs omnibus affecti? nonne Ecclesijs, domibus, & quod acerbissimum est, solitudinis ipsis pulsi sumus? nonne furem populū tulimus, & contumeliosos perfectos? quid postea? fortiores exitimus. *Suspicit Hieronymus Pauli praestantiam*, Videte, inquit, Apostolum quantæ sit charitatis in Christū, ut pro illo cupiat mori & solus perire, dummodo omne in illum credat hominū genus. Vult ergo Apostolus perire in carne, ut alij saluentur in spiritu, suum sanguinem fundere, ut multorum animæ conseruentur. *Nam quid ego de diuo Ambrosio dicam?* Sanè si me, inquit, vis aliqua abduceret ab Ecclesia, carnem meam exturbari posse, non metem; paratum esse, ut si tyrannus faceret, quod solet esse regie potestatis, ego subirem quod Sacerdotis esse consuevit. *Nec ita multò post*, scio fratres vulnera hæc, quæ pro Christo excipimus, non esse vulnera, quibus vita amittitur, sed propagatur; non metuit arma, non barbaros, qui mortem non timet, qui nulla carnis voluptate retinetur.

Tantò magis, quia si sacris generalibus Concilijs Viennensi, & Triden. & Summi Pontificis Pauli Papa hoc nomine Quinti literis obsequētes, interdictum ut iubetur in suis cathedralibus Ecclesijs diuulgassent; & ipsi seruantes, ab alijs seruandum curassent; terrarum orbe constaret ipsos Reipublicæ Venetæ Praefides errasse. Nunc verò Pontificis neglecto Imperio significare videntur omnibus, ipsum potius hæc in re, quam Venetos falli. Dicam ampliùs cum ita comparatum sit, ut in eorū qui imperant vitam, j. qui parent, veluti in speculum intuentes, illorum dicta & facta imitatione conentur exprimere; animaduertentes subditi à suis spiritualibus dominis censuras Pontificis contempni haberi, quibus & promulgande, & plurimi faciende erant; nec ipsi illis obsequuntur & parent. Quid? quàm graue illud est, quo tempore à Romano Pontifice monitis, ecclesiasticum erat illis promulgandum interdictum; eodem tempore à Leonardo Duce literas accipientes; quibus precipiebatur, ut nulla re,

Oration.
12. in c6c.

Episc. 151
q 9.

Tom. 5. in
c6c. de ba.
fil. nō tra-
dendis hæ-
reticis.

In Clem.
1. de sen-
tentia ex-
com.
Sess. 25. de
regular. c.
12.

Grane Epi-
scoporum
scandalū.

immutata, rei diuinæ operam darent; neglecto Pontificio præcepto, iussis Leonardi potius videntur obedisse. Perinde ac si non Romanus Pontifex, sed Leonardus eorum caput existeret. Quod & initium schismatis esse, ut Cypriano videtur, & illud redolere, vinam tam obscurum esset, ut nisi à me diceretur, à nemine posset intelligi. Audiant Deum, & perhorrescant loquentem in Isaia, Speculatores eius omnes cæci, canes muti non valentes latrare, videntes vana, dormientes, & amâtes somnia; ipsi Pastores ignorauerunt intelligentiam. Et in Hieremia, Tabernaculum meum vastatum est, funiculi mei disrupti sunt; filij mei exierunt à me, & non subsistunt, quia stulte egerunt Pastores. Obliti quod ex Paulo Lucas eorum muneris esse ostendit; Non enim subterfugi quod minus annuntiarem omne consilium Dei vobis, attendite vobis & vniuerso grægi, in quo posuit vos Spiritus sanctus regere Ecclesiam Dei, quam acquisiuit sanguine suo. Nihili facientes admonitionem constitutionū Apostolicarum. His rebus non attendens inconsideratè parcit, cui pœna debetur.

Episcopo-
rum error
à patribus
reprehens-
us.

Ep. 85.

Homil. 17.
in Luc.

*Maximum sanè malum deplorandum omnibus, gravis-
simis quibusvis arguendum pœnis. Qui enim cæteris perditionis cau-
sa fuit, æquum est grauiora patiatur, quàm qui per illū subuersi
sunt. Nequè enim peccare tantum in se perditionis habet, quàm
quod reliqui ad peccandum inducuntur. Arguit eos grauissimè
Sanctissimus Leo: Non est id, ait, consulere populis, sed nocere;
nec præstare regimen, sed augere discrimen. Integritas
enim Præsentium salus est subditorum, & ubi est incolumi-
tas obedientiæ, ibi sana est forma disciplinæ. Grauius alibi,
quale ergo sit iudicium Dei subiturus, qui tot Ecclesijs, tot Sa-
cerdotibus scandalum inferre non metuit, & qui alios exëplo
afflixit, ceteros ad consensum sceleris deprauit. Nec minùs
acriter in eos inuehitur Gregorius. Nullū, inquit, puto ab alijs
maius præiudicium tolerat Deus, quàm quando eos, quos ad
aliorum correptionem posuit, dare de se exempla prauitatis
cernit, & susceptæ benedictionis ministerium vertunt ad am-*

bitionis

bitlonis argumentum. *Augustinus* verò, Non afferamus, *inquit*, stateras dolosas, vbi appendamus quod volumus pro arbitrio nostro, dicentes, hoc graue est, hoc leue, sed afferamus diuinam stateram de Scripturis sacris, tanquàm de thesauris dominicis; & in illa quid sit grauius, appendamus: *quid in libro de verbis Domini*: Si neglexerit, *inquit*, corrigere delinquentem, multò peior factus est eo qui deliquit. At *Hieronymus* quasi hac mala futura prospexerit, Quomodo, *inquit*, potest Præsul Ecclesiæ auferre malum de medio eius, qui in delictum simile corruit, cùm ad hoc vos Deus in sublimitate posuit, vt tanto maiori Ecclesiæ suæ utilitate viuatis, quāto in ea eminentiore auctoritate præstis; alioquin deponet ille pater familias vos de sede, & exaltabit humiles. Antistitis enim error, multos inuoluit, & tantis obest quantis ipse præst; & si malum est gregem relinquere, pessimum videtur præceptis summi Pastoris non obedire. Sileo hic *Chrysostomos*, *Naxianzenos*, *Ambrosios*, & alios quamplures, vt ecclesiasticam libertatem tuerentur, & Sedi Apostolica obedirent, tyrannis & Imperatoribus obstitentes. Quis non admiretur *Babila* Episcopi *Antiocheni*, animi, & in tuenda ecclesiastica immunitate, & in cõtemnenda morte, præstantiam? *Romanus* Imperator illic degens Regium inuenem impiè necandum iusserat: tanto commisso scelere, & nefaria cade sequuta, euocat militum cohortes, se vt comitentur, imperat, Dei sacras ades ingressurum. Quid hic Sanctissimum Antistitem effecisse creditis? magnificisse bonorum omnium iacturam? Imperatoriam Maiestatem Prætorianorum militum agmine circumseptam perhorruisse? mori, si res ferret, timuisse? ò commemorabilis fortitudo, ò predicabilis vita constantia, ò plusquàm humani animi magnitudo nostris hisce temporibus imitanda! Ingressi Imperatori obuius fit, corporis sui obiectum templi arcet ingressu; instantem, dextera regio pectori admoda, eum, vt à Christianorum communione alienū, populo undiquè circumfuso, innumerabili spectante milite, saceris adibus expulsi, egeris, extrusit; Cogitabat nimirum, nihil

Bernard.
Episc. 117

Exemplo
sacris ho-
minū dam-
natis ti-
mor Episc.

Euse. libro
7. c. 22. &
seqq.

esse timendum homini diuinā causam agenti, cuius lateri Deus semper hareret, adiumento illi contra omnia aduersa, & presidio futurus. Intueantur diuum Thomam Cantuariensem nostri Veneti Episcopi; quam ille in turbulenti Christiana Reipublica temporibus non attigit, immo quam non absoluit magno dignam praeside virtutem? quantus fuit in tuenda ecclesiastica dignitate, & Sedis Apostolica decretis observandis? quam senerus in condemnandis ijs qui illi obssisterent? in eorum contumacia in seclanda, superbia comprimenda? Promulgarat Henricus Anglia Rex, leges cū Christiana Reipub. bono, ac sedis Apostolica dignitate pugnantes; Episcopos omnes regni illius conuocauit, quibus cum leges ferendas communicaret, ijsq; ut assentirent, & precibus, & si opus esset, minis cogeret. Obstitit ei vir sanctissimus, & ecclesiastica immunitatis vindex acerrimus, nec unquam potuit a sanctissimo sua mentis proposito dimoueri, nec carceris, aut, mortis metu, nec diuitiarum, honorumq; maxima oblatione mutari. Maluit opibus, quibus fruebatur amplissimis, excludi; patria expelli, durum exilium; ac peregrinationem, demum mortem subire; quam videri unquam tam impia in re ipsi Regi assensisse. Utinam huiusmodi exemplar imitandū nunc sibi proponerent Venetorum Praesules; tanto maiori studio, quanto Reipub. Venetae Dux suas leges grauiori iniuria sancit. Nam Henricus Regni sui Episcopus accersuit, ut eorum audita sententia, quod sibi visum esset decerneret: at Dux Reipub. nulla nec Episcoporum, nec huius sanctae Sedis habita ratione, decreta contra immunitatem ecclesiasticam temerē promulgauit. Fax & inbar praclarissimum totius Columnensis familiae in lucem prodeat, Ioannes Cardinalis; ut Dux Thomae Cantuariensi serē temporum aetate coniunctus, sic ab illustri martyrii gloria consequenda non alienus. Legatus in Syriam ab Honorio missus, cum insidelibus Dei Verbum ardentius predicaret, ut eos ad Christianā fidem conuerteret; immanem barbarorum manum in se concitatam, ferro caput offerendo Romana virtute compressit. His uerbis. Utinam Sedis Apostolicae Cardinalis Legati dignita-

Plat. in vita Hono-
rij iij.
Alter sub
Alex. iij.
sub Hono-
rio iij. al-
ter.

tem amittam, ut Christi martyris nomen inueniam. *Quis*
animi fortitudine, multitudine sedata, plures Deo peperit fide-
les, quã vita aggressores inuenit. Te Radulphe Austriace, qui sa-
miliam imperio nasam non minus ad regna, quã ad religionis
nostra continnè obcunda ministeria propagasti; ut praeclarissimũ
omnibus, ac præcipuè nobis exemplar existas: præterire nullo ma-
do possum, nec debeo. Nam imperiali pompa & comitatu relicte,
venandi voluptate cõtempta; exiliens equo, presbytero diuinis-
simam hostiam infirmis circumferenti, ut conscenderet, insisti.
Pedes, quamuis pluuio cælo ac lutulenta via cum perhonorificè
deductum, & reductũ prosequutus; quid Christianum, quem li-
bet deceret, egregiè declarasti; ac præclarissimo tuo pietatis in-
sempiternũ collucente lumine mirristi omnes, ne ulla aut cõma-
di, aut timoris, aut rei alterius habitatione, ecclesiasticã præ-
sulis personam exuant, ut profani principis induant dignitatẽ.
Virtute inuicem & animi magnitudine certent; ut & vita exi-
tu, & temporis intervallo impares; sic & pietate & fortitudine
pareas; Herminigildus Hispania Princeps, Ludouicus Gallia Rex:
alter nẽa fidelium cõmunione secederet; ac patris imperio negle-
cto, ut ecclesiasticis præceptis obediret; ferro vitam finiuit Mar-
tyr illustris: alter nec tubarum clangore, nec tormentorum stre-
pitu ab humilioribus Catholica religionis nostra muneribus se-
iunctus, mortẽ conquist, confessor gloriosus. Ut ita in nostra
hac obscura visitorum nocte regio utrorumq; sanctorum inueniũ
micante splendore omnibus eluceret, mortem cuiquẽ esse contem-
nendam, ut huius vite finis, una tandem aeterna immortalitatis
gloria cõpensetur. Sed cur aliorum Antistitum, & Principum,
Laicorum, ut vos incitemus, peregrina exempla exquirimus, ubi
domestica uestrorum Episcoporu præclara extant obediẽtia mo-
numenta. Inciderat olim Venetijs in magnum discrimen Eccle-
sia libertas, in quam lucẽdam illius Reipublica Episcopi omni ope-
ra, studioq; incumbentes in unum coacti ante viginti sex cano-
nes conditos, hoc unanimes decreuerunt: Itaque quoniã nos in Ec-
clesia Veneta Spiritus sanctus causa ordinã Episcopatus cõ-
gregauit,

prima q. i.
 & c. ult.
 14. q. 1. &
 Greg. li. 3.
 dialog.
 cap. 11.

Cõc. tom.
 1. par. 2.
 fol. 512.

gregauit, rectum esse credimus de regula Ecclesiastica, quæ nobis (donante domino) credita est, & de districtione cuius curam non sine culpa nostra omitemus, habita collatione, ut quæ in priorum patrum statutis vidimus omiſſa, & procedente tempore ex nimia licentia prolabente ſeculari libertate proſcripta, ſtatutis ſaluberrimis ſanciremus: *Pròh Deus immortalis, non excitabitur tam præclaro maiorum veſtrorum exemplo Veneratorum præſulum animus. An nõ ipſi quoq; de Eccleſiaſtica regula, qua vobis, donante Domino, credita eſt, eiusq; diſtinctione, cuius cura veſtra culpa omiſſa eſt, acta temporum comparatione, collatione habendam curabitur? An non quæ à Senatu contra Eccleſia ſtatuta nimia veſtra indulgentia videtis commiſſa, Spiritus ſancti gratia roborati, legibus contrarijs ſancitis reuocabitis? An non debita Summo Pontifici, ac Sedi Apoſtolica obedientia; quæ vos & ceteri vos imitantes denegarunt, veſtrum primò obediendiũ exemplo ab alijs oĩbus reſtituetur? Abſit ut vos hæc fortiter acturos dubitemus. Quilibet veſtrum errore fateatur ſuũ; huius Sanctæ Sedis adeat portas benignitatis (nõ enim vult mater Eccleſia mortẽ peccatoris, ſed ut conuerſetur & viuat; non, minùs culpa offenditur quàm pœnitentia placatur; obediẽtes ſemper recipit; rebelles expellit) ut deficientem Petrũ, ſic flentẽ imitetur; ſancitis Reipublica legibus obſiſtat; Apoſtolicis decretis, & Pontificis Maximi interdicto pro viribus obediat; ut quod eſt neglecto Apoſtolica Sedis imperio de ipſius dignitate diminutũ, eorũdem omnium veſtrum in illam vnanimi obediẽtiã, ac deuotionis obſequio compenſetur. Meminerant maiores veſtri ſupra à nobis dicta eſſe præcepta prudẽtiæ; Patrum regulas æterna cœleſtis eſſe decreta diſciplinæ; conciliorum canones tanq̃ dominicas obſeruandas iuſſiones. In hoc autem gradu dignitatis, atq; honoris tamquàm in ſpecula conſtituti, animo ſemper in grege ſibi credito ſeruando, tuendaq; communi ſalute deſixi, incumbabant in eam curam; ut huic Sanctæ Sedi debita præſtaretur obedientia; Eccleſia vigeret immunitas; parati ſacturam omnium ſubire, vitam profundere, ut multorum ſalutem conſeruarent.*

Venias

Veniat vobis in mentem vos eos nunc non esse, quos ex huiusmodi parentibus natos esse deceret. & si ab auita pietate, & gloria, Deo annuente, sperandum, ut equidem in primis certissimè spero, eos esse futuros, ut nulla unquam rei alicuius ratio, nec ullus mortis metus arguat à conseruata maiorum vestrorum religione, & pietate vos esse degeneres. Quacum ita se habeant, Pater Beatissime, iussus à Sanctitate Vestra meam hac in re sententiā dicere, plurimas Deo gratias ago, nullam mihi; etiam mearum virum cognita imbecillitate, respondendi subesse difficultatē; cum ex conciliorum decretis, & canonum regulis, ex Patrū sententijs, ex ijs demum, quæ ceteri Summi Pontifices hac eadem in re fortiter decreuerunt; Sanctitati Vestra liquido cōstabit, quid ab Ecclesia hucusquē sancitum sit, gestumq; fuerit. Proponatur illis, metum aegritudinē animi esse non virtutem, nec fortes viros; quanto minus Episcopos illius infirmitate excusari; honestā mortem in gloria vitæ præferendam; hac omnis esse generis, sexus, nationis corroborata consensu, ut sana & prudens omnibus declarauit antiquitas. Moneātur quā graue scandalū, post Christianæ religionis ortum inauditū, patrarint; ut omnes in hoc Ecclesiastico dignitatis gradu constituti omnium consensu una mente, nemine abnuente, neglētis Ecclesiæ præceptis, Reipub. iussa, perfecerint. Quod si (quod Deus auertat) moniti noluerint resipiscere, & increpātem Dominum nō audierint, Si nolueritis disciplinā recipere, sed ambulaueritis ex aduerso mihi, ego quoq; contra vos aduersus incedam, percutiā vos septies propter peccata vestra, inducamq; gladiū super vos ultorem fœderis mei. Nec illud extimescent, Audite Episcopi iudicabimini propter imperitiā vestrā, & perditionem ouīū. Si inquam, & à Deo, & à Sanctitate Vestra ita moniti resipiscere noluerint, tamquā à communione fidelium eiecti, ac declarati; pœnis his plebentur; quibus excommunicatos afficiendos docent Theologi præcipue Riccardus, Paludanus, Antoninus, Soto: ipsi Insuperiti, ut refert Conarruias, & Nauarrus. Nec absolūti sunt à pœnis, quas Gregorius hoc nomine quartis declarauit

& statuit.

Auctoris
sententia.

in Leuit.
26.

Cōt. Apo-
stol. 1.2. c.
22.

a in 4. dist.
18.

b art. 7. q.
1.

c ead. q.
d3. par. ii.

24. c. 66.

d. 22. q. i.
art. 4.

f in c. po-
Aula sti, &
§. verum,
alijsq; lo-
cis.

g in c. Al-
ma mater
§. 7.
h c. si quā.
do de resc.
exc. 9. &
man. c. 27.
D. 21°

e. 1. co. tit.
lib. 6.

lib. 4. som.
par. 1. c. 7.
Epif. 6. ad
Magnum
l. 1.

Io: Bapt.
Campolul
gofus l. 6.
Iuz Hist.

*& Statuit, Nulli fas esse ait, vel velle, vel posse trāsgredi Apo-
stolicæ Sedis præcepta, nec nostræ dispositionis ministerium,
quod vestrā sequi oportet charitatē. Sit ergo ruinæ suæ dolore
prostratus quisquis Apostolicis voluerit contraire præceptis,
nec locū deinceps inter Sacerdotes habeat, sed exors à Sancto
fiat ministerio, nec de eius iudicio quisquā postea curam ha-
beat, quoniam iā damnatus à Sancta & Apostolica Ecclesia,
sua inobedientia, atq; præsumptione à quoquā esse non dubi-
tetur, quia maiori excommunicationis deiectione est abijci-
endus, cui Sanctæ Ecclesiæ cōmissa fuerit disciplina, qui non solū
præfatæ Sæctæ Ecclesiæ iussionibus parere debuit, sed etiā alijs
ne præterirēt insinuare; sitq; alienus à diuinis, & Pōtificalibus
officijs, qui noluerit præceptis Apostolicis obtemperare. Si
verò diutius suo in errore persistant, & tanta scandali gruita-
te contempta Reipublica optimatibus fauere persuerent: omni-
bus beneficijs, honoribus, dignitatibus, officijs perpetuò priuati,
& ad eas in posterum consequendas indignissimi declarentur.
iuxta Bonifatii viij. Iudicabimus ipsos schismaticos, & blas-
phemos tamq̃ hæreticos puniendos, expositis personis eorū à
fidelibus capiendis, omnibus beneficijs, officijs, dignitatibus,
& prælaturis, priuantes; eosdem & reddētes inhabiles ad ha-
benda, cunctis eorum bonis mobilibus, & immobilibus, iuri-
bus, & iurisdictionibus publicatis. *Iisdem pœnis arguēdos do-
cet Turrecremata, & ante ipsum Cyprianus. Quare, inquit, qui
hæreticis, & schismaticis patrocinatur, cēlura diuina in eorū
probat facinore, & pœnis non solūm duces, & auctores, sed
etiam particeps destinari; nisi se à communione malorum se-
parauerint; præcipiente Domino per Moysen, sepatamini à
tabernaculis hominum istorum durissimorum, & nolite tan-
gere de omnibus quæ sunt in eis, ne simul pereatis in peccatis
eorum. Quod interdum ab Ecclesia actum est. Nam Nicolaus
primus Regnaldum Triuerensem, & Guntramum Coloniensem
Archiepiscopali dignitate deposuit. Sed si nec spiritualium qui-
dem bonorum, ac dignitatum depositione emendentur: à ratione
alienum**

alienum minimè puto; si auxilio brachij sacularis pœnis corporis puniantur: quod à pluribus Pontificibus effectum legitur, et fuscè docet Pelagius Pontifex. Cum mille alia exempla, & constitutiones sint, quibus euidenter agnoscitur, ut facientes sciscuturas in sancta Ecclesia non solum exilijs, sed etiam proscriptioe rerum, & dura custodia per publicas potestates debeant coërceri. Quin immò, si qui Episcopi sint, qui ceteris aliqua seculari dignitate præsent, ea à Pontifice deponantur. Quod, vel contra ipsos Imperatores aliàs illos præstitisse testantur historia, & docet Gregorius de Valentia. Nam à Zacharia Summo Pontifice tamquam Regno Gallia ineptus Childerius declaratus. b Henrici hoc nomine quarti à Gregorio vij. c ab Innocentio vij. Othones; d Federici ab Innocentio quarto; e à Clemente sexto Ludovici depositi. Itaque Romanus Pontifex Romanis decretis inhabereat, Romana sequatur concilia, & Sanctorum Patrum fultus sententijs aliorum Romanorum Pontificum vestigijs insisteret sanctæ huius Romanæ Sedis auctoritatem augeat, tueatur, & foveat. Non enim minuitur persecutionibus Ecclesia, sed augetur, & semper dominicus ager segete ditiori vestitur, dum grana, quæ singula cadunt, multiplicata nascuntur. Hanc nobis spem confirmat g Cyprianus: diuinæ traditionis immemores esse non debemus, ut maiora esse furentium scelera, quam Sacerdotum iudicia censeamus; aut plùs existimemus ad impugnandum posse humana conamina, quam ad protegendum præualeat diuina tutela. Nec minori animi magnitudine h Hilarius: hoc quippe Ecclesiæ proprium est; quæ dum persequitur, floret; dum opprimitur, crescit; dum contemnitur, proficit; dum læditur, vincit; dum arguitur, intelligit; tunc solum stat, cum separari videtur. Suffragatur Bernardus: Non defuit genus Christianorum, nec fides de terra, nec charitas de Ecclesia, venerunt flumina, flauerunt venti, & impeerunt in eam, nec cecidit, quia fundata est super firmam petram; ita ut nec verbositate philosophorum, nec cavillationibus hæreticorum, nec gladijs persecutorum potuerit aliquando separari à charitate

in c. de Ly-
gur. 13. q.
5. in 9. loco

a q. 15. de
schif. p. 8.
3. in 2. di
ui Thom.
ar. 3. & 3.
b 15. q. 7. c.
alins, & Ce
dre. in vi-
ta Leo. I. fa
urici, Pau.
diac. lib. 6.
histo. Lon
gob. c. 5.
c Maria.
Scot. in
Chro. an-
no 1075.
Blond. de
cada 1. l. 6.
d. ad apo-
de sent. &
re iud. lib.
6. decret.
e Rob. Ar-
bo. tom. 2.
teor. 7. &
alij.
f Leo I ser.
Apost.
g epl. 37.
ad Corn.
Papam.
h de Trin.
lib. 8.

in can. c. j

Christ. int.
ser. Mart.

ritate Dei, quæ est in Christo IESU. Sic dimicantur aduersus peccatum Sancti, sic & laborando fortiores, & moriendo victores effecti, nullus athletes sine certamine fortior dici, nullus sine victoria poterit coronari: nemo miles sine prælio hostem subiecit, nemo sine bello Imperatorem promeruit.

Te Christe summe præsulum Pastor obsecro, tuam diuinam opẽ, tuum numen imploro; vt spinarum, & tribulorum squallore resecato digna efficiamur fruge sæcundi, & fidelium tuorum votis placatus ab errorum omnium tenebris nos eruas; ac metu omni seposito eate duce præstemus, quæ Sanctitatis illuminata splendore vera gloria lucem cum æternitate consequantur.

Hæc sunt, Pater Beatissime, quæ in Episcopos Venetos, sacros Canones, Patres sanctissimos, & Concilia sequutus, notant. Faxit Deus, vt quantum huius sanctæ Sedis auctoritati illorum obfuit Ecclesiasticorum Decretorum contemptus; tantum in retinenda firmiter Christiana fide, in præceptis sacrorum Conciliorum, & Patrum decretis seruandis, in Sanctitati vestra debita obedientia præstanda prois communis omnium nostrum, Cardinalium consensus. Meæ verò summa ascribendum foret felicitati; si vt animus obsequio non defuit, ita vires respondissent voluntati.

F I N I S.

